



Senin, 03 September 2023

Ogen : Pilipi 2:17-18



Darehku Jadi Persembahen



Dareh, simbol kegeluhen. Biakna maler i bas kulanta. Kula si lit denga darehna ertina lit denga kegeluhen i bassa, adi kula enggo kurang dareh kote, la semangat, melala banci rehen pinakit. E maka i bas ndalani kegeluhen perlu tetap ijaga stabilitas dareh i bas kula. Banaci saja alu man pangan si ergizi si biakna banci nambahi dareh ku kulanta, entah man vitamin si banci nambahi dareh. Sebalikna ka, lit ka kula si lebih darehna, enda arus ipedarat i bas kula e nari gelah terjaga kesehatan kula. Ertina kula e kurangsa dareh pe la mehuli, mbuesa dareh pe labo payo. Guna si e perlu icek rusur kerna kecibal dareh i bas kulanta.

I bas negaranta lit organisasi gelarna Palang Merah Indonesia (PMI). Bergerak i bas bidang sosial kemanusiaan. I je banci si periksa kecibal dareh i bas kulanta. Di kune lebih banci kita jadi pendonor dareh man kula si kurang darehna. Biasana adi donor la man galaren, enda dahin sukarela, guna nampati temana si kote. Kulanta pe sehat, man kalak pe terakap. I je me jiwa sosial si iperluken. Paulus pe nuriken keriahen ukurna man perpulungen Pilipi erkiteken kiniteken si turah i bas perpulungen e. Nina, amin pe mambur darehku, e jadi persembahen ibabo persembahen si ipersembahenndu man Dibata. Perjuangan Paulus alu mambur dareh gelah metunggun persembahen perpulungen e i lebe-lebe Dibata. Bage pe meriah ukurna. Janah ipindokenna gelah perpulungen pe mereken persembahen alu meriah ukur. Em si jadi keriahen man Paulus pe. Ertina mereken persembahen alu meriah ukur. Jadi pendonor alu meriah ukur e pe kap persembahen.

Jadi pendonor, kulanta sehat, kalak sideban tersampat